



Сыр бойы

Кызылорда облыстық қоғамдық-саяси газет • 1929 жылдың 1 шілдесінен шығады

№197
(20671)



26 желтоқсан, сейсенбі 2023 жыл

e-mail: syrboyi@yandex.kz

www.syrboyi.kz



www.facebook.com/syrboyi_kz/



www.instagram.com/syrboyi_kz



https://twitter.com/syrboyi



t.me/syrboyi_kz

ПРЕЗИДЕНТ

ҚҰТТЫҚТАУ ЖЕДЕЛХАТЫН ЖОЛДАДЫ

Мемлекет басшысы Қырғызстан Президентіне құттықтау жеделхатын жолдады. Президент Қасым-Жомарт Тоқаев Қазақстан халқының және жеке өзінің атынан Садыр Жапаровты екі ел арасындағы Одақтастық қатынастар туралы шартқа қол қойылғанына 20 жыл толуымен құттықтады.

– 2003 жылғы шарт қазақ-қырғыз қатынастарының дамуында жаңа кезеңнің басталғанын білдіреді. Біздің көпжақты мемлекетаралық байланыстарымызды тиімді ілгерілету үшін берік шарттық-құқықтық негіз қаланды. Барлық деңгейдегі белсенді саяси диалог, сауда-экономикалық және мәдени-гуманитарлық салалардағы ынтымақтастықтың қарқынды дамуы, сондай-ақ екі елдің халықаралық аренадағы тығыз ықпалдастығы – соның айқын дәлелі, – деп жазылған жеделхатта.

Қасым-Жомарт Тоқаев бірлескен күш-жігердің арқасында Қазақстан мен Қырғызстан арасындағы стратегиялық серіктестік пен одақтастық қатынастар одан әрі нығайтып, екіжақты ықпалдастықтың орасан зор әлеуеті бауырлас халықтардың игілігі үшін қызмет ете беретініне сенім білдірді.

МЕМЛЕКЕТ БАСШЫСЫ САНКТ-ПЕТЕРБУРГ ҚАЛАСЫНА БАРДЫ



Кеше Мемлекет басшысы Қасым-Жомарт Тоқаев Ресей Президенті Владимир Путиннің шақыруымен Жоғары Еуразиялық экономикалық кеңес отырысына қатысу үшін Санкт-Петербург қаласына барды.

«Еуразиялық экономикалық одақ елдерінің басшылары интеграциялық

процестерді одан әрі дамытудың басты міндеттері мен негізгі бағыттарын талқылауды жоспарлап отыр» деп жазды Ақордадан.

Сондай-ақ Қазақстан Президенті ТМД елдері басшыларының бейресми кездесуіне де қатысады.

САПАР

БІР КҮНДЕ 5 ЕЛДІ МЕКЕН ГАЗҒА ҚОСЫЛДЫ

Кеше облыс әкімі Нұрлыбек Нәлібаев Жаңақорған, Шиелі аудандарына жұмыс сапарымен барып, 5 елді мекенді табиғи газға қосу рәсіміне қатысты.



Алдымен аймақ басшысы Шиелі ауданының «Еңбекші», «Жиделіарық» ауылдарының тұрғындарын Жаңа жыл мерекесімен және мереке қарсаңында ауылдарға газ қосылу салтанатымен құттықтады.

– Облысты газдандыру қарқыны жылдан-жылға артып келеді. Қазір барлық аудан орталығы мен 4 қала (Арал, Қызылорда, Байқоңыр, Қазалы), 19 елді мекенге газ жеткізілген. Биыл 12 ауылдық елді мекенге тартылуға. Осылайша өңірде тұрғындарды газбен қамту көрсеткіші 75 пайызға жетеді. Биыл аудандағы 40 мыңнан астам тұрғын табиғи газ игілігіне кенелді. Аудандағы 6 елді мекен – «Еңбекші», «Жиделіарық», Ө.Тәжібаев, «Алматы», Досбол датқа, «Бестамға» газ тарату желілерін орнату үшін республикалық бюджеттен 1,5 млрд теңге бөлініп, құрылысы жүргізілуде. Бүгін «Еңбекші» ауылының тұрғындары «көгілдір отын» жаға бастайды. Келер жылға қаралған 4 млрд теңгеге 12 елді мекенді табиғи газбен қамтамасыз етеміз. 2024 жылдың соңында газдандыру деңгейі 78 пайызға жетеді. Ауылдарыңызға келген «көгілдір отын» көптің игілігіне айналып, тұрмыс сапасын арттырып, әлеуметтік жағдайды жақсартуға оң әсер етеді деп сенемін, – деді аймақ басшысы.

2-бет

САЛТАНАТ

Президент шыршасы



Жаңа жыл қарсаңында мерекені асыға күтетін балаларға арналған Президент шыршасын ұйымдастыру дәстүрге айналған. «Қош келдің, Жаңа жыл!» атты Президент шыршасына аудандардан 200 бала шақырылды.

2-бет

«Анаға тағзым» орталығында «Жаңа жылдың өлемі – Аналармен әдемі!» атты мәдени-мерекелік шара өтті. Отбасылық құндылықтарды нығайтуды, еңбек адамдарының өнегелі өмірін дәріптеуді мақсат тұтқан мерекелік басқосуда өткен жылы өңірде атқарылған игі бастамаларға шолу жасалды. Сол жұмыстарға белсене араласып, еңбегімен ел құрметіне бөленген аналарға облыс әкімі аппаратының басшысы Шахмардан Байманов ізгі тілегін арнап, құттықтау хат табыс етті.

ӘЛЕМ АНАЛАРМЕН ӘДЕМІ



– Жаңа жыл мерекесі құтты болсын, аяулы аналар! Өздеріңіз білесіздер, осы жылдың айтулы жаңалығының бірі – облыс әкімінің бастамасымен «Анаға тағзым» орталығы бой көтерді. Заманауи үлгідегі орталықта қыз-келіншектердің, жас отбасылардың рухани тәлім алуына мүмкіндік жасалып, ұлы дала аналарының ізгі жолымен ұлттық құндылықтарымыз дәріптелуде, салт-дәстүрлеріміз жаңғыруда.

Биылғы жылдың қазан айында Сыр еліне жасаған сапарында Мемлекет басшысы осы «Анаға тағзым» орталығының қызметімен танысып, оң бағасын берді.

3-бет

БІР КҮНДЕ 4 АМБУЛАТОРИЯ АШЫЛДЫ

Облыс әкімі Нұрлыбек Нәлібаевтың қатысуымен аудандарда 4 дәрігерлік амбулаторияның ашылу рәсімі өтті. Түске дейін аймақ басшысы Шиелі ауданының «Талаптан», «Ақтоған» ауылдық округтеріндегі жаңа нысандарды табыстау іс-шарасына қатысса, түстен кейін «Қарғалы» ауылдық округіне қарасты «Буланбай бауы» елді мекеніндегі амбулатория пайдалануға берілді.

2-бет



● БАСПАСӨЗ – 2024

Құрметті оқырман!

2024 ЖЫЛДЫҢ
БІРІНШІ ЖАРТЫЖЫЛДЫҒЫНА
«СЫР МЕДИА» ЖШС-НА ҚАРАСТЫ
ГАЗЕТТЕРГЕ ЖАЗЫЛУ НАУҚАНЫ
АЯҚТАЛУҒА ЖАҒЫН

«Сыр бойы» газетіне
6 айға жазылу бағасы:
жекелер үшін – 4000 теңге,
мекемелер үшін – 5000 теңге.



Президент шыршасы



Шыршаға келген балалар ойын ойнап, ән шықпады, театрландырылған қойылым тамашалады және естелік сыйлық алды. Сондай-ақ мейрам қомақтарына арнайы фотосессия ұйымдастырылды.

Қызылорда облысында 280 мыңға жуық бала бар. Олар 680 балабақша және 325 мектепте білім мен тәрбие алады. Оқушылардың мектепке қатынауына жақын, ыңғайлы болу үшін биыл қаладағы 4 мектеп жанынан қосымша ғимараттар салынды, 2 жаңа мектеп іске қосылды.

Ел Президентінің бастамасымен қолға алынған «Жайлы мектеп» ұлттық жобасы аясында облыста 21 мектеп салынады.

Дарынды балалардың талабын шыңдауға баса мән беріліп келеді. Биыл Қызылорда қаласы мен Қармақшы ауданында мамандандырылған мектеп-лицей-интернаттар жұмысын бастады. Сол жағалаудан 300 орындық жатақханасы бар 400 орындық физика-математика мектеп-интернатының құрылысы жүргізілуде. «Қазіргі Мұнай» компаниясының демеушілігімен 350 орындық заманауи үлгідегі «Оқушылар сарайының» іргетасы қаланды. Алдағы жылы Жанақорған және Шіелі аудандарында 200 орындық



1-бет

«Оқушылар үйі» мен 50 орындық «Өнер мектебінің» құрылысы басталды.

Соның екі жылда үздік нәтиже көрсеткен оқушыларды олимпиадалар мен ғылыми жобаларға дайындау мақсатында «Сыр дарын» оқу-жаттығу жанын ұйымдастырылуда. Лагерьде облыстың 1000-ға жуық дарынды оқушысы кәсіби мамандардың көмегімен білімін жетілдірді.

Биыл 102 сырбойлық өрен халықаралық республикалық дәрежедегі ғылыми жобалар мен олимпиадалардың жеңімпазы атанды. Облыстың пәндік олимпиадалық командасы жаратылыстану-математика бағыты бойынша командалық есепте республикада II орынды, қоғамдық-гуманитарлық бағытта III орынды иеленді.

Балаларды әлеуметтік қолдау және қауіпсіз орта қалыптастыру да басты назарда. Аймақта бастауыш сынып оқушылары ыстық тамақпен толық қамтылған. Қомекке мұқтаж отбасыларға қаржылай қолдау көрсету мақсатында 37 087 балаға 41 мың теңгеден барлығы 1,3 млрд теңгеге бірреттік қаражат берілді. Балаларды қауіпсіз, жайлы көлікпен тасымалдау үшін жаңа үлгідегі 30 автобус алынды.

САПАР



Суреттерді түсірген Б.Есжанов

БІР КҮНДЕ 5 ЕЛДІ МЕКЕН ГАЗҒА ҚОСЫЛДЫ

Еңбек ардагері Сұлтанбек Оразымбетов жерлерінің құттықтап, жиналған қауымға бата берді.

Іс-шарада «Ауыл – ел бесігі» ұлттық жобасы аясында газ жүргізуге үлес қосқан азаматтар мен аудан ардагерлері облыс әкімінің Алғыс хатымен марапатталды.

Рәсімнен кейін облыс әкімі газ қосылған үйді көріп, ізгі тілегін білдірді.

Мұнан бөлек, кеше Жанақорған

1-бет

ауданындағы «Жайылма», «Шалқия», Құттықожа ауылдары да газға қосылды, тұрғындар қуанышы еселенді. Сәуір айында «Бірлік», «Қыраш» елді мекендеріне «көгілдір отын» кіргізілсе, келер жылға «Кейден», «Төменарық» елді мекендері жоспарланған. 2024 жылы 4 млрд теңгеге тағы 12 елді мекенге табиғи газ желілері орнатылмақ. Осылайша газдандыру деңгейі 78 пайызға жетеді.

БІР КҮНДЕ 4 АМБУЛАТОРИЯ АШЫЛДЫ

Аймақ басшысы ауыл тұрғындарын Жаңа жыл мерекесімен және жаңа нысанның ашылуымен құттықтап, медицина саласындағы атқарылған істер мен алдағы міндеттерге тоқталды.

– Адамның басты байлығы – денсаулығы болғандықтан, елімізде, аймақта бұл саланың негізгі көрсеткіштерін, яғни, ұлт саулығын жақсартудың барлық мүмкіндігі қарастырылуда. Медицина мамандарының біліктілігін арттыру, ауруханаларды заманауи құрал-жабдықтармен жарактандыру назардан тыс қалмайды. Мемлекет басшысы Қасым-Жомарт Кемелұлы қоғам тұрақты дамуы үшін азаматтардың денсаулығымызды болу керек екенін үнемі айтып келеді. Медициналық қызметтің қолжетімділігін қамтамасыз ету, денсаулық сақтау инфрақұрылымын одан әрі жаңғырту үшін кешенді шаралар қабылданды.

Президент бастамасымен қолға алынған «Ауылдық денсаулық сақтауды жаңғырту» ұлттық жобасы аясында елді мекендерде 27 нысан салынады. Биыл 15 жаңа, заманауи дәрігерлік амбулатория кызметін бастайды. Олардың 3-ін өткен аптада ашсақ, осы аптада 12-сін пайдалануға береміз. Ұлттық жоба аясында Шіеліде 8 дәрігерлік амбулатория салынады. Бұл – бірігіп мығым елдігіміздің, еңбекпен енесің тіктеген азаматтардың арқасында біткен жұмыс, – деді Нұрлыбек Машбекұлы.

1-бет



Іс-шарада «Құрмет» орденінің иегері, меценат Сейітқали Алшынбаев жерлерінің құттықтап, ізгі тілек білдірді, еңбек ардагері Алысбек Тәшімбаев алғыс айтып, бата берді. Сондай-ақ мердігер мекеме өкілдері мен ауыл азаматтары марапатқа ие болды.

Дол осындай амбулатория Жанақорған ауданының «Қаратөбе» ауылдық округінде де ашылды.

Биыл облыс бюджеті 57 пайызға



өсіп, 609 млрд теңгеге жетті. Қаржының басым бөлігі әлеуметтік салаға бағытталды. Оның ішінде медицина саласына 138 млрд 600 млн теңгеден астам қаржы бөлінді. Қызылорда қаласында 36 млрд 400 млн теңгеге бір ауысымда 100 келушіге арналған емханасы және онкологиялық бөлімшесі бар 300 орындық көпбейінді аурухананың құрылысы басталды. Құны 2 млрд 900 млн теңгеге құрайтын «Қан орталығы» жақын күндері

пайдалануға беріледі. Оған қоса 9 медициналық нысанға күрделі жөндеу жүргізіліп, 5 нысанның жылу жүйесі газға ауыстырылуда. Жыл соңына дейін көпбейінді облыстық аурухана жанынан 70 төсектік перинаталдық орталық, қалаға қарасты Досан елді мекенінде медициналық бекет, Жанақорғандағы көпбейінді аудандық аурухана базасында балаларға арналған «Камкорлық» оналту орталығы ашылмақ.

КЕШЕНДІ ІС-ШАРАЛАРДЫҢ ЕЛГЕ ИГІЛІГІ

Облыс әкімінің Шіеліге жұмыс сапарында «Талаптан» ауылдық округіндегі дәрігерлік амбулаторияның ашылу рәсімі болды.

Ауыл тұрғындарын Жаңа жыл және жаңа нысанның ашылуымен құттықтаған аймақ басшысы облыстың әлеуметтік-экономикалық дамуында денсаулық сақтау саласының маңызын атап өтті.

– Халық денсаулығын жақсартып, өмір сүру сапасын арттыру – мемлекеттің негізгі міндеті. Елімізде медицина мамандарының мәртебесі мен беделі жоғары болуы үшін барлық жағдай жасалуда. Мемлекет басшысы Қасым-Жомарт Кемелұлы денсаулық сақтау саласына ордайым айрықша көңіл бөліп келеді.

Саладағы игі істер алдағы уақытта да өңір халқының игілігіне айнала берсін. Жаңа ғимарат баршаңызға құтты болсын! – деді Нұрлыбек Машбекұлы.

Іс-шарада мемлекет және қоғам қайраткері Мұрат Бақтыярұлы жерлерінің құттықтап, тілегін білдірді. Еңбек ардагері Сейітмағанбет Жұманазарұлы ақ батасын

берді. Сондай-ақ мердігер мекеме өкілдері мен ауыл азаматтары марапатқа ие болды.

Айта кетейік, «Бак-Береке» ЖШС салған амбулатория бір қабаты, жеке бу қазандығы арқылы дизель отынымен жылытылады. Жаңа нысан алғашқы медициналық көмек көрсететін мекемеге қажетті барлық жабдықтармен жаракталанған.



Кеше жұмыс сапары барысында облыс әкімі Нұрлыбек Нәлібаев Жанақорған ауданының «Өзгенте» ауылдық округіндегі 150 орындық клубтың ашылу салтанатына қатысты.

– Мәдениет – бұл ұлттың қуаты, рухани болмысы, ақыл-ойы, пайым-парасаты. Ел Президенті ауылдарды дамытуға баса мән беріп келеді. Мемлекеттің ауылдық аумақтарды дамытуының 2023-2027 жылдарға арналған тұжырымдамасына сәйкес елімізде мәдениет саласын дамытуға қажетті



жағдайлар жасалуда. Өркенітті ұлт, ең алдымен тарихымен, өнерімен, әлемдік мәдениеттің алтын қорына қосқан үлесімен бағаланады. Еліміздің, туган жеріміздің атын әлемге танытып жүрген талай өнерпаздар ауылдан шыққан. Ауылдың мәдениет үйлерін, клубтарын бүгінгі заманның сұранысына

«ӨЗГЕНТТЕ» – ЖАҢА КЛУБ

сау жасау аса маңызды. Өздеріңіздің қатысуларыңызбен ашылғалы отырған 150 орындық жаңа мәдениет ошағы өскелең ұрпақты өнерге баулу орталығына айналды деп сенемін, – деді аймақ басшысы.

Іс-шарада қоғам қайраткері, қаржы саласының ардагері Қалқабек Әжібеков

жерлерінің құттықтап, ауыл ардагері Құдайберген Базарбаев алғыс білдіріп, бата берді.

Жаңа клубтың ашылу рәсімінде бірқатар азамат облыс әкімінің Алғыс хатымен марапатталды.

Іс-шара соңында аймақ басшысы ауыл тұрғындарымен, ақсақалдармен кездесіп, өңірдің әлеуметтік-экономикалық даму барысын талқылады.

Биылғы жылы облыста төрт 150 орындық клуб жаңадан салынып пайдалануға берілуде. Соның ішінде «Ақжол» ауылында спорт кешені, «Жайылмада» 150 орындық клуб ашылса, Қызылорда қаласында отбасылық құндылықтар мен салт-дәстүрді дәріптейтін «Анаға тағзым», «Отбасы» орталықтары кызметін бастады. 1000 орындық «Өнер орталығының» құрылысы журда аяқталып, пайдалануға берілмеқ. Келер жылы 7 аудан-а салтанат сарайы, кітапхана, музей, архив және жастар, ардагерлер мен ауыл бас қосатын жаңадан «Руханият» орталықтары салынады. Бұл орталықтарда ұлттық құндылықтар дәріптеліп, салт-дәстүрлеріміз насихатталады.

Облыс әкімінің баспасөз қызметі

МӘМІЛЕ

ИНВЕТОРЛАРҒА ЖОБАЛАР ТАНЫСТЫРЫЛДЫ

Жексенбі күні облыс әкімі Нұрлыбек Нәлібаев «CNNP Rich Energy Corporation Limited» компаниясының өкілдерімен кездесіп, аймақ үшін маңызды инвестициялық жобалар туралы айтты. Аталған компания еліміз аумағында жаңартылатын энергия көздерін пайдаланып, электр энергиясын өндіру жобаларына қызығушылық танытып отыр.

Аймақ басшысы Сыр өңірінде баламалы энергия көздерін пайдалану мүмкіндігі мол екенін жеткізді.

– Облысымыз географиялық орналасуы мен климаттық жағдайына байланысты күн және жел энергиясын өндіруге зор әлеуетке ие. Қоршаған ортаны қорғау және «жасыл экономика» бағытындағы перспективалық жобаларды әрқашан қолдаймыз. Мамандардың зерттеуіне, өңірімізде жылына 300-ден астам ашық, бүтпейтін күн болады. Аймақ

географиялық жағынан да желді белдеуде орналасқан. Облыстағы күн ұзақтығы жылына 3000 сағатқа дейін және күн энергиясын дамытудың энергетикалық әлеуеті жылына 32 000 млрд кВт/сағ. ал жел энергиясы жылына 2 700 млрд кВт/сағ. құрайды. Бизнес ахуал мен инвестициялық әлеуетті жақсарту – аймақтың басым бағыттарының бірі, – деді Нұрлыбек Машбекұлы. Мұнан бөлек, облыс әкімі инвесторларға қолайлы жағдай жасалып, Үкімет тарапынан ауқымды инвестициялық префе-



ренциялар ұсынылғанын, жаңа өндірістерді орналастыру үшін өңірде барлық қажетті инженерлік инфрақұрылымға жеткізілген арнайы 6 индустриялық аймақ жұмыс жасайтынын атап өтті.

Өз кезегінде «CNNP Rich Energy Corporation Limited» компаниясының өкілдері аймақ басшысына алғыс айтып, әріптестік орнатуға ниет білдірді.

Бүгінде облыс аумағында жиынтық қуаты 89 мегаватт болатын 9 күн электр станциясы жұмыс істейді. Оның үшеуі ірі, шетелдік инвесторлардың қатысуымен салынған. Атап айтқанда, Шіелі ауданында орналасқан қуаттылығы 50 мегаваттық қазақ-британ компаниясына тиесілі «Байқонур-Солар» күн электр станциясы, Жалағаш ауданындағы франциялық «Total Eren» компаниясына тиесілі қуаттылығы 28 мегаваттық күн

электр станциясы, Жанақорған ауданындағы «Hevel» компаниясына тиесілі қуаттылығы 10 мегаватт электр станциясы. Сондай-ақ Шіелі ауданында «Тесис» ЖШС күн электр станциясын салуды жоспарлауда. Қазір қажетті жер учаскесі бөлінген (80 га), жобаны 2025 жылы іске қоспақ.

Айта кетейік, тіркелген капиталы 2,2 миллиард юань, яғни 310,1 млн АҚШ долларын құрайтын «China National Nuclear Corporation (CNNC)» және «China National Nuclear Power (CNNP)» платформасы таза энергетикалық жобаларды дамытуға, құрылысын салуға және пайдалануға маманданған.

Компания қызметінің негізгі бағыттарына жел, күн, сүтегі энергиясы, геотермалдық энергия, жиікөз энергетикасы, зарядтау станциялары және т. б. кіреді.

